捣藻堂四庫全

書薈

要要


集部

欽定四庫全書管要集部

詳校官候選知縣臣吳旬華



Ċ 3 唐文 銘丙銘陰附想九首 THE PARTY 宰輔七 唐丞 唐中書今逍遥公韋公墓誌銘 書、管要巻一萬九千八百九十一 公相太尉 相 相 唐文粹 ·贈太師韓國公苗公首 公德銘之陰柳宗元 公德銘李華 姚 鉉 集部 張 說 編



· 大足日 車 co kin | 唐文件 綜闕里之六藝文而不華實而不滞原夫志在於易行 台衛之地士林之髙標宗臣之首出者也生於秦之清 唐故中書令逍遥公韋氏諱嗣立字延構京兆杜陵人 水長於鄭之成皐聰明先覺博古兼覽完逢山之百氏 也受渾元之正性挺生人之秀傑門為孝悌之府世處 唐中書令逍遥公幸公墓誌銘并序 唐武昌軍節度使元公墓誌銘白居易 說

色理七郡三入中書再統兵部選兵吏各兩冬典極密 是以綢繆兩禁重疊千里迄踐宰衡終厥有成凡化二 共五載光弼四主歷政三十有餘其間累有誇及官因 夫覆實登朝濫觞室邑聖朝知其周慎忠肅簡易循良 見者忘去若膏澤之浸陽和之感萬物不知其化矣及 度神無方而用無體其與人也温良善誘仁恕多容伴 夫頑蔽開哲愎熱擾從君子進道小人革慮聞者願來 在於禮守豪篇之沖虚播朱弦之愷悌事有則而言有 卷六十八

謀表高臣之志也公考侍中為國元輔公兄承慶當代 之野擇逍遥而建號裂土宇而開社即明主封立帝之 户之若喪邀然赤松之可接西宴驟山之谷東息龍池 教作法垂後計誤皇極功格天地茫茫蠢蠢既生既逐 四夷來王五靈皆至然而外祭中素迹通心遐杳然朱 德問邪身勤心苦誠感物化禮讓與於私室刑罰廢於 公家衡鏡高懸文武橋首才無我失善若已有風流名 左退日月蝕而更明隨和幽而不昧爾其為邦設教尊 与と

實物而兼之事親養志而能爭居喪過衣而顧禮此又 陳都還醫洛師開元七年九月二日薨于歸德里有詔 鐸之用有時命或推移蒼生之望恆在春秋六十遘疾 善中之善者也善人天之經也國之寶也道將與廢木 言天下之人比之祥覺惟公德行言語文學政事四者 矣侍中前夫人崔氏生黄門而即世後夫人王氏生公 齊名咸以今德繼和金鼎扶陽二相陳氏三君復追美 而偏爱公克諧以孝因心則友於均養之德成無問之

定四庫

全書 |

とかれい

我清風道濟明時心樂幽地薛衣華家坦然一致逍遥 啓封帶礪傳祀生涯共盡振古其常人東三德天歸百 我我仁公抱孝含忠文獻則足高明有融翻飛王佐穆 停精與至於歷官次序平居事業當見郡府遺爱之碑 國史名臣之傳故不存馬銘曰 恒濟夬儡然在疚靡所寘哀以某忝縉雲之舊寮沐清 之餘論入難名之間域窺妙德之形容見託銘誌庶 時に当

兵部尚書諡曰某禮也明年某月葬於某地有子字

謀殲昇浞人或有言志屈道行公曰不可屈則佞生柄 王聖人神聖天地咸若子孝臣忠元元踊躍命帥中軍 祥臧孫有後公業不亡 乃不行處起幽陵連覆二京帝慈蒸人避狄西蜀爰命 玄宗季年逆將持兵天錫房公言正其傾羣兇害直事 理兵北朔登賢為輔讓子以續公費冊書亦捧瑞 唐丞相太尉房公德銘] 卷六十八

不在公象昏瞳明退師儲官出守函谷入為尚書正色

|亦曰公有土封其臣稱之曰公尊其道而師之稱曰公 天子之三公稱公王者之後稱公諸侯之入為王卿 宜春列邦是式建銘江濱以慰南國 崇上台嚴嚴低宗瞻其峻極赫赫房公尊其盛德昔撫 薨 邦人悽悽帝懷明德俾我不逃徵拜秋官愈曰休哉 殂閬中國瘁人哀為微陷躓輔星昏霾天子淚涕迎 , 唐丞相太尉房公德銘之陰 ŗ 時し年 柳宗元

誇又刺汾澮遽臨彭濮何負而東何負而西公受挫

慈爱以成於德用是進退所居而事理辨所去而人哀 蜀人咸服其節相肅宗作訓于岐人咸尊其道惟正直 唐之大臣以姓配公最著者曰房公公相玄宗有勞于 治公而大臣罕能以姓配公者雖僅有之然不能著也 若太公楚為縣者若葉公白公年之長老若毛公申公 衛武公號文公鄭桓公其臣稱之則列國皆然師之尊 故言三公若周公召公王者之後若宋公為王卿士若 楚之僧凡為縣者皆曰公古之人通謂年之長老曰公

定四

庫全書

おかけへ

為也人之思也乃增飾棟宇即而立馬州人大悦咸會 士道為三公德為國師年為元老當為縣縣懷其化至 **順涕言曰昔公以周召之德微子之仁有土封以為卿** 忘公之道為之刻石且曰州之南有亭曰需宴亭公之 號理遠人遠人不勝其懷為文士趙郡李華銘公之德 刻更刺史數十莫克興起乃率歸於王公公當以機密 于州州濡其澤凡我子孫罔不戴慕盛德之詞文而不 亂不克立今刺史太原王涯嘉公之道猶在乎人人不

飲定四庫全書 良政 羣臣出次五月壬午贈太師七月丙子記使中謁者莅 不宜吾懼其去我也遽願書于銘之陰用永表于邦之 匡天子于禁中承公之道剌於我邦由公之理又能尊 永泰元年四月戊子唐舊相太保韓國公薨天子報朝 今之德起遗文以昭前烈則其入為卿士三公也孰曰 唐丞相故太保贈太師韓國公苗公墓誌銘并序

童好學弱冠工文二登甲科三入高等始自郡色臺省 壺關人祖襲變贈太子太師父殆庶贈禮部尚書公成 之任終乎廊廟台輔之器至如牧四郡使四道在人為 才元熟出於忠烈真江河於百川之會登日月於九天 在見公曰欲求良弱其在兹乎公諱晉卿字元輔上黨 之上乾坤閉而復闢釣軸折而再駕故肅宗皇帝於行 封樹碑版垂後盛于當朝葬我韓國公夫大名本於宏

祭京兆少尹護喪龍旗輔車鹵簿哀導加于一等国生

虞罪當電有三司質定其事不行於截慶緒之誅也不 **轅門天子壯之拜為左相公于時與兵部尚書汾陽郡** 陳希烈等四十八人議在殊死公抗疏上論以四方猶 亂常公身在陷穽心圖遼原謁至尊於幕殿議大計於 用公議使有思明之難朝議之減復行公計果今天下 復九廟尊先帝返上皇公之功也乾元二年元免授首 政之絕跡於公能事之常格故不足叙天寶之末胡羯 王經界大業朔賛中與公撫於內汾陽營於外克二京

飲定四庫全書 ·

節定四事全書 詔冊授太保軍國大務仍咨訪馬公至和為心太素為 **儔公晚嬰琅疾屬辭樞務遂得特紆聖眷俯降臣禮亦** 高宇宙德鍾社稷於一身夫平計之勃安之總有平勃 墀之下杖策來朝宣室之中肩與入見此則明主上徳 之熟伊攝之霍立之再當伊霍之任人臣貴極今古罕 而屈體忠臣感恩而忘形君臣之間斯為盛矣無何有 政肅宗違代令公當國道合君臣時契雲龍於二主功 唐文粹

大安仁人之言不可己己上元二年玄宗升遐詔公攝

繼代忠足以勵行孝足以揚名叙德立銘願昭先烈堂 有唐宗臣為國元老清明淳粹全德體道磊落臣節深 文之客敢忘大猷其詞曰 馬嗣子發不堅祭垂向吕稷望咸等並强學懿文保家 能 開其應故軒裳鍾鼎於我如浮雲大位遐年在生為 體以虚舟應物世累不能干其神以公器濟時江海不 夫人博陵崔氏詩書之門金玉其度先公而殁今則祔)旅享年七十有七歷任二十有四順如也夫人韓國

老六十八

钦定四車全書 鼎臣天歸説夢嶽降申神嵯峨碑版突兀封樹嗚呼相 皇在僧務輟宸坐稱政臨朝非公不可彼蒼不仁鐵我 萬乗將同諫書一出天下稱公二聖登遐萬方是荷聖 國韓公之墓 南棄拔身北總一見先皇其言甚壯指麾籌畫爰立作 相天地反正蒼生之望伊昔南狩衣冠下從三司獻議 沈廟謨智能逃難忠則忘驅幽薊弄兵咸秦振蕩舉族 唐丞相金紫光禄大夫守太保致仕贈太傅岐国 唐文梓、

賢問出積厚昌大以至曾王父行敏皇銀青光禄大夫 歲歲十一月辛未啓手足京師安仁里皇帝恤然不視 夫尚書右司自外郎詳定學士父布望皇銀青光禄大 荆益二州大都督府長史南陽郡公王父慰皇中散大 于少陵原大墓公之先自漢建平侯晉當陽侯而下忠| 朝三日冊贈太傅吊祠加恩明年夏四月乙酉返真宅 有唐元老太保岐公諱佑字君卿年七十八以得謝之| 公杜公墓誌銘并序 THE RESERVE OF THE PERSON OF T 權德與

徒時當熟急政有均節持權者排陷改蘇饒二州刺史 賢侯交辟俄以臺即御史二十石事代宗以六號之貳 十縣之重兵符相印事德宗初自度支即歲中拜小司 **玄宗朝以門子筮仕解巾有聲在肅宗朝以郡椽廷吏 德以載物器周代資材為國華程功積事博達弘裕在** 以亞丞相觸征南方入居左轄出典侯服旋委節旋身 古し文字

僕射公總中蘇之粹靈蹈明指之大方體仁以長人厚

夫鴻臚卿恒州刺史西河郡太守飾終三加至尚書左

永貞內禪公奉典策令上繼明真授司徒備物采飾衰 年年及縣車抗章告老三上不允厥後部公每旬一朝 訪決重務以公年與德耆尊禮不名後再處天子憫煩 優章灼推致四時之和茂明萬物之宜初公來朝之明 問公攝冢宰因山復土專護其任進掌五教乃平九**賦** 公以官職之事恩遂堅請禮優師臣大雅稱方叔元老 大政拜章來朝兼理公台綢繆樞極在帝左右順宗諒 鉱

定四庫全書

老ハナハ

淮海凡居鎮十五年歷禮刑二尚書乃進左揆變和

危注意之重一人倚賴急宣密啓多所交感嘉保太平 知至有執介圭朝象魏冠功臣之表近天子之光為時 承寧諸侯或惡其煩言或漢其善氣損怨服義日用 力三那之人類有聲詩炳如高華刻在金石公既當安 之重兼文武之全三代論道两朝怨已播紳瞻仰者凡 六十年致位就第極其榮號隆其五福閣然得之在臨 且非宰政東漢之胡公中庸不理藩服曷若公都将相 沒有愷悌之化治南海有威懷之略自淮而南與事任

通典二百篇誕章閱議錯綜古今經代立言之首備馬 推仁無不逮也至若閎天下之義理究先王之法志著 聖異陸 買之装奏鄉產時會鷗鳥不驚又以見公放懷 乞靈物怪氣能不接於心術誠明坦湯自得於天理中 龜龍公所樞根喜士容物犀而不黨理遣情恕犯而不 鶴 学引湍金絲合奏時賢儁人結轍在門極謝安之林 正之外無自入馬國門南出杜陵故地吠清流疏灌叢 一言定交死生以之趨人之急唯恐不及不徼福不

定

四庫全書

巻六十八

台座每荷同升之義盍陳無愧之辭直書德輝以鏤幽 蘇州常熟縣令切睦之女也專尋淑慎動有儀矩先於 相財無怙誠信哀敬實加於人以德與當忝府辟晚縣 令式方偶部負外郎從郁等皆以材能孝謹為卿大夫 公殁幾三十年矣嗣子司農少卿師損與其弟昭應縣 右曹臺以至列藩二千石不可勝書夫人安定郡梁氏 元士推擇之際以吏資廳麻之下咸有淑聲儼然推剥 凡推戰之士繇幕廷而奮迅者近於百輩將相六職左 与し卒

礎銘曰 玄室 陵鬱鬱蓍暮協吉宰木號風虞泉落日于嗟岐公居此 道甚夷乃將乃相乃公乃師六府蘇平五福畫滋齊之 忽乎茫茫殿極納書禮優職襄和氣在上昭明發揚少 戴懸車乞身知進知退歲在大梁月生一陽以佚以息 温良商之慈爱推本性術發舒光大宣力中外勤勞異 君子之用可以大受斤斤岐公祇事三后誤明盛時其

新定四庫全書

おかれれ

買公諱耽字敦詩始則四握兵符保蹩節制終乃再踐 味咸有一德用平太階奉綴衣之詔公始感疾先復土 師長變和極極文武致用實寧斯人景鍾書代金鼎和 德宗皇帝享國二十有七年注意於將相之臣惟魏國 /期公乃指館屬太上皇重公耆碩進加司空今皇帝 誌銘并序 中書門下平章事上柱國魏國公贈太傅賈公墓 唐故金紫光禄大夫檢校司空兼尚書左僕射同 Į 吾之字

危言始尉太平連辟大府三入御史府再為尚書即亞 究今古於百氏窮地域於九譯乾元初家海未静褐衣 簿贈揚州大都督都督生烈考琰之燕居不仕贈尚書 建議深切漢元帝為之罷朱崖郡皆其先古之有議論 史稱賈生通達國體其孫嘉好學世其家其自孫拍之 左僕射皆代德安貞延耀于後公忠正仁恕極深研幾 憫公徽懿追命太傅春秋七十六佩相印一十三年前 風節者也曾王父遠則皇長河尉生王父知義心源主 定 匹库全書

易坤之說日地道也臣道也惟公有博載之量露生庶 静於是膺審象之寄替格天之業中外授受勤勞王家 尹北都剖符西河嘉猷循行所治居最大歷十四年久! 物書洪範之說曰强弗友剛克熨友柔克惟公推寬信 進律察康唐鄧復撼賦興鎮于靈昌政成八稔愷悌清 **微詣行宫真拜冬官明年以三后之任分正洛師加地** 封短然光明進祭六職節制襄岘載會兵車撫征淮右 十月繇大鴻臚貞師于梁協力羣師平夷江漢青綬大 哲之字

化宗工傷老但以忠厚承清光故公之揚休德輝涵泳 境愛之如父母其作相也當先皇帝洪覆陰隱財成造 善氣折銷未前使貪者讓躁者静四鄰敬之如神明闔 著深懷王傅碑先君子碑陳祖德以自沉載家聲於可 無際為然和平之運恬然易簡之道至若匪躬說詞劳 歷已求天下之才博開強識通天下之志斯可及已所 謙不伐者亦何可勝言坦夷而周密廣大而絜静鋒善 飲定四庫全書 誠弱亮時化故其無封也不尚禁属不施够察扶尊

次子疄太子司議郎少子縣京兆府祭軍事馴行孝謹 殁於中年二十 有五年 美刷子畴太常寺協律郎早天 蘇氏駕部郎中守中之曾孫處士珣之女有柔儀淑 委化以啓手足推從古知命之士所難能馬夫人武 為天理一氣聚散斯馬順之美檟壽堂自為終制情 書凡五十有五編貢在中禁傳於域內言方志者以 久體要閱達邁乎羣倫撰海內華夷圖及論次地理之 名家被病更時屏絕監御且曰吾以忠信為丘禱死生

吾文字

前直國門芳旁通梁傅不忘本芳公之素笳簫於路時 道易易始於清明紀號永貞維陽月之朔日芳返智氣 移如龢風叩若華鐘偉材閎議信以發志中行循性其 除螟螣入居公台左右皇極於學無不通於士無不容 麟之儀儀鳳之師師有倬魏公發輝清時外拋方國播 銘 號班毀審奉二尊堂帷合于九原刻茲樂石以永終古 於冥冥下句選半兮祖載于庭神歸古原兮閼此音形 日 を六十八 明祖のでする。 こうけつくのじんけいかいしん

州生太常博士贈太尉紹太尉生華州鄭縣尉贈太保 安後五世集州刺史贈給事中諱休克於公為曾祖集 鳳及仕唐為中書門下侍郎監修國史於公為高祖文 行儒學相隋氏封帝章郡公贈文安侯文安後四世諱 唐佐四帝十九年宰相牛公諱某字某八代祖弘以德 此壤樹嗚呼有唐元老兮魏公之墓 唐丞相故太子少師奇章郡開國公贈太尉牛公 唐文粹

諱幼闻太保生公孤始七歲長安南下杜樊鄉東文安 出一室數年業就名聲入都中故丞相韋公執誼以聰 乗驢至門章公曰是矣東京李元禮為後進師隋奇章 在門下韋公亟命柳劉於樊鄉訪公曰願一得相見公 有隋氏賜田數頃書千卷尚存公年十五依以為學不 應賢良直諫制數強臣不奉法憂天子熾於武功詔下 明氣勢急於衰拔如柳宗元劉禹錫輩以文學秀少皆 公仁德禄位二者包而有之公登進士上第元和四年 巻六十八

品命服半歲遷御史中丞宿州刺史李直臣以贓數萬 事改考功負外郎集賢殿學士庫部即中知制語賜五 用 敗榜宗得偏辭於中稱直臣冤且言有才宰相言恪不 中侍御史遷禮部自外郎都官自外郎兼侍御史知雜 尉拜監察御史丁母夫人憂制終復拜監察御史轉殿 満歲郊公士美以昭義軍書記辟凡三上請詔除河南 钦定四事全書 公以具獄奏上曰直臣有才可惜公曰彼不才者無 授伊闕尉以直被毀周歲凡十府奏取不下伊闕 塘汶粹、 せ

繼卒主藏奴與吏訟於御史府上憐引大臣父子併死稚 書獻公錢千萬公笑曰此何名為公亟持去明年弘公武 紫遷户部侍郎掌財賦事上益親重欲相之會中書令 孫將家事走中使至第盡取財簿自閱視凡中外主權多 朝今不以財援中外設有飛一辭者誰與保白公武賣引 韓引男公武謀曰大人守大梁二十年齊蔡誅後始來 飽食以足妻子安足慮本設法令所以縛束有才者禄 山朱此是才過人而亂天下上因可奏曰善賜章服金

たこりを 道士皆庸人徒誇欺虚荒豈足師法未一 連四月日 萬不納上大喜以指歷簿過視旁側曰果然吾不謬知 公面諫曰陛下不讀玄元皇帝五千言以清静養生彼 史敬宗即位與武士政宴無時徵天下道士言長生事 年正位中書侍郎加銀青三品兼集賢大學士監修國 人言記再拜殿上皆再拜呼萬歲尋以本官平章事明 納弘貨獨朱勾細字曰某年月日送户部牛侍郎錢干). 1; I 間以疾離乃以鄂岳六州建節號武昌軍 唐文粹 歲請退不 *

已宰 長用公私錢陷填髮城凡五年乃就明年文宗即位 與稅等歲久前後政欲畫計策記無所施公即除去冗 即弘文館大學士鄭注怨宋丞相申錫造言挾漳王為 曰城土凍惡歲輸篇竹為皆具奸吏旁緣主為侵取費 公為禮部尚書平章事為節度使公始至問民尤苦皆 逆 (部尚書明年急後拜兵部尚書平章事重拜中書侍 狀跡牢密上怒必殺公曰人臣不過宰相今申 相假使如所謀豈復欲過宰相有他圖乎臣為中

方

盾

卷六十

|萬騎級回中怒氣直離不三日至咸陽橋西南遠數干 萬里來責回何事失信養馬尉如川在平京上平京坂 **橋戎腹心可洗久恥是幸皐二十年至死恨不能致事** 禮倍前時盡罷東嚮守兵用明臣附李太尉德裕時殿 广 下尚書省百官聚議皆如剱南奏公獨曰西戎四面各 《南西川上言維州降今若使生羗三千人燒十三橋 E 由是宋不死大和六年西戎再遣大臣勢實玉來朝 e 車 4 45 唐文粹. 九九

丞爱申錫忠良奏為御史申錫心臣敢以死保之上意

檢校 維 年 |罷可以行心夏五月以兵付監軍使拜疏 鲱 不出明年檢校司空平章事襄州節度使出都門賜 有疾良已思一面叙公不得已至關下一拜 司空留守東都明年拜左僕射上恐公不起部日 百維州此時安可用棄誠信有利無害匹夫不忍 至開成二年連上章請休官部益不許公曰臣惟 議大和六年檢校右僕射平章事淮南節度使經 天子以誠信見責於夷狄且有大患上曰然遂 說就道除 詂

守東都劉稹以上黨叛誅死時李太尉專柄五年多逐 檢校司徒兼太子少保明年以檢校官無太子太傅留 提入郭自漢陽王張東之一百五十歲後水為最大李 言明年武宗即位就加司徒會昌元年秋七月漢水溢 據地籍免貨弱四千萬均入豪殭皆曰甘心不出一怨 黄。彝樽龍杓凡六品名出周禮詔曰精金古器用以比 太尉德裕挾維州事曰修利不至罷為太子少師未幾 况君子非無意也襄州七年饒假軍人入賦不一公至

島 と 辛

Ē

賢士天下恨怨以公德全畏之言於武宗曰上黨東左 宰相時事從諫以大和六年十二月十七日拜闕下實 京控山東劉從諫父死擅之十年後來朝加宰相縱去 至公出聲數恨上見述書復聞前縱從諫去疊二怒不 以其月十九日節度淮南明年正月從諫以宰相東還 不留之致稹叛竭天下力乃能取此皆公與李宗閔為 河南少尹吕述公惡其為人述與李太尉書言積破報 一然校自十月至十二月公凡三贬至循州首外長史

¥飲定四庫全書 | ■《

おハナハ

者自勉而終身益篤為宰相急於銓品凡名清官不忍 善人執手相吊哭公忠厚仁恕莊重敬慎未當以此 有言機利克迫必稣剖使之推破三大邦去苛碎條 無事今天子即位移衛州汝州長史選太子少保少 别墅年六十九天子侗傷不朝兩日冊贈太尉 凡四年復位大中二年十月二十七日薨于東都 資以段非其人以道德謨於天子每指古義為據 -人為公按手咤罵公走萬里瘴海上二年恬泰若 きと卒

益自儉克平居非公事不出內屏周三歲語言舉止率 軍使公律以禮敬暑甚大合軍宴拱手至幕一不摇扇 資送其死丧凡數百家李太尉志必殺公後南商過汝 除大患其輕巧吏欲賊公愛惡希獨所為渾然然不能 有常度仇軍容開成末首議立武宗權力震天下每言 之不出一言及於前事鎮武昌時軍容使仇士良為監 見故所至心大治衣冠單窮出俸錢嫁其子女月與衣 定匹庫全書 多 公厚供具哀其窮為解說海上與中州少以異勉安

教之不以已所長人所不及裁量高下以生重輕後 毫恩分耳不肯引譽不敢怨毀淡居其中公始自 一公必合手 校郡 承望聲光得 '郷貢仕為郎官考吏部科目選三開幕府中 日燕語察吏必言古人脩身行事旁誘曲指微警 凡取六十餘人上至將相次布臺問皆當時名 贈僕射祉之長女士林稱為婦師凡三十 **加賴曰清德可服人但過低官財與** 一言許可必自殺重夫人主 語し、千 Ė

前公八年殁五男六女長日蔚監察御史次日業新 山里銘 南府 次女嫁河中節度副使檢 八女未笄 产曹集賢校 律 訛夜必有以扶厥公之生以隆其洿幽以燭 洛陽尉二人皆稚齒長女嫁户部 即皆以文行登進士第不籍公勢次日奉情 日 人始數歲以某年月日葬少陵南某 理常山張希復次女嫁前進士鄧 老六十八 校郎中范陽張沫次女嫁 郎 堂苗悟

歃

定四

庫全書

時何魏乎二紀臣宗德老鉅係魁熙熟為忌畏踏去南 海不校不辨牵復顯大百行渾圓隣於及年以歸其全 雨濡以教其徒以佐天子滅絕霸駁如有樞根標揭 序 開府儀同三司檢校司徒兼中書令幽州大都督 **營田觀察處置押奚契丹兩番經略盧龍軍等使** 故幽州盧龍軍節度副大使知節度事管內支度 府長史上柱國彭城郡王贈太師劉公墓誌銘 自己な 權德與

莫州之解舍享年五十四冬十月歸全涿州良鄉縣之 翼大君惟彭城郡王宣力三代撫封四紀在德宗朝豪 **衡臨長諸侯玄衮赤舄崇其物采九命二伯極其名器** 徒今皇帝聰明齊聖衰厚功德推侍中中書令網終極 台军乃居師長在順宗朝論道進律就加司空又拜司 動猷備其賛書終始焯於代家五年秋七月寢疾薨于 服舊勞以亞丞相得顓征伐冬官夏卿再踐六職乃列 析木之下幽陵碣石融結網縕誕靈熊渾乃生元臣以 あべけへ

歃

定四庫全書

彭城郡公贈宋州刺史祖貢皇特進左金吾衛大將軍 帝二十一代孫曽祖弘遠皇檢校司衛卿既沈軍使襲 和引毅忠肅端明温重固已藴絕人之姿挺希代之器 夫贈司徒恭公公承是覆露生而岐嶷深而通直而 揚州大都督父怀皇幽州盧龍節度觀察等使御史 語と学 12

勞始終渗漏之澤也公姓劉氏諱濟字濟之蜀昭烈皇

某原追錫太師不視朝三日命諫議大夫弔祠法膊廷

柳持節禮用又記室臣德與銘于壽堂所以加息報

始以門子横經游京師有司握上第泰幽州軍事轉兵 之今典靡不具馬貞元初烏桓誘北方之戎幸吾阻飢 為莫州刺史以御史中丞為行軍司馬凡吏理之慰薦 曹掾歷范陽令考績皆為府中最與元初以太子家令 即代有記奪情節哀順變講信修脏先公之封畛盡在 與師之拊養如良庖之無於肯罰良農之無減殺司徒 長即之威惠畢舉比歲大旱塚煌為災聚蘇蘇非默以 心祷甘雨祁祁嘉生等每因其豐登示以班制古諸侯 巻六十八

教告繇是諸戎皆為公用朝不庭方厥猷茂馬明年 入其阻抵青都山下捕斬首虜以萬級獲豪馳馬牛羊 旌冷脛之北戎王棄其國逐去公署南部落刺史為王 十異道並出然後以中堅衝擊士不離傷師不留行 是己之犯古漁陽其後吸剌冠右北平公分命左右 人鋒邊鄙公先計後戰陳兵于郊乃遣單車使者誘 數十九年林胡率諸部雜種侵淫于澶刻之 -車會九國室韋之師以討馬飲馬樂河之上 宫文料

禮比屋之人被縵胡而揮孟勞不知書術公乃修先師 納諸矩度兵與已來氣俗相因或以夸敗度或以美沒 鄰或歸其天倫或復其地理警急則解其顛沒居常 賢而容其出處隴西李益樂安任公叔皆以賓筵薦延 生徒祖豆若在珠四和門耽耽公署沈沈自從事禄史 而還登山斵石著北伐銘以見志自太行已東懷和四 祠堂選幼壯孝悌之倫春秋二仲行釋菜鄉飲酒之禮 紀綱之僕庠序有倫米章不奈接士必下以詞氣推

宰司序引百執事屬和以美大之師次瀛州既圍樂壽 於常山公率先蹈属累上功捷引義慷慨賦詩以獻 又遣支兵急攻安平三旬未下武怒益奮命其子終以 **举之為也其於勤身裕物生聚教訓祁寒則頌之絮帛** 孝順浹於州壤美化周行無不及馬去年冬王師問 至即吏二千石近臣良守此又烈丈夫大君子曠度榮 **歉則赈其倉廪一方之人蒙被惠和嘉祥交於動** ŗ 先登公親鼓之士皆殊死戰亭午而拔誅 唐文阵

欽 甲形弓盧矢方董諸侯之師將覆其巢俄感厲氣隱几 雪泣祗服不矩以國僑之遺愛知公業之不亡生極禁 起於倚廬之中委重戒事由御史大夫為工部尚書及 病遺章個款不及家事天下之人偉其忠勞終以君命 須王命俄而下需然之詔宥罪班師加公寵渥已至大 無噍類盖所以宣威制勝於可必也天子賜以寶劔金 口占署總軍司馬曰無以吾故而稽天誅悉召戲下 定四庫全書 師之節制封部之廉察盡如恭公太師之命馬毅

為定勇略的宣變和之重公作霖雨師律之嚴公為齊 斧廓開浸珍振舊威武保大定功庇人尊主郄穀敦悦 **榎來宅便藩渥命焜耀嘉績北我病燕從古以然懷俠** 帝在法宫推心極功洸洸彭城秉義納忠幽都朔易賜 據馨香以識 冥寞銘曰 斯為至矣褒大臣所以尊王命懿武事所以恢天聲敢 號沒有感冊揚名以繼志善訓以克家君臣父子之道 乃主成師善經義府公實似之北伐刻銘西征賦詩播

磨丈粹

葆澶漫陵谷勒石下泉幽玄昭燭 於工歌列在鼎舜壯敬未極大暮如斯華首童牙辛酸 涕洟義方紹續君命吉禄孝在無改恩延必復恭差較 公諱稹字微之河南人六代祖嚴隋兵部尚書封平昌 匹属全量 尚書右僕射河南元公墓誌銘并序 户部尚書鄂州刺史兼御史大夫賜紫金魚袋贈 唐故武昌軍節度觀察處置等使正議大夫檢校 白居男

陳留郡太夫人公即僕射府君之第四子後魏昭成皇 部即中舒王府長史贈尚書右僕射此滎陽鄭氏追 景岐州参軍祖俳南頓縣丞贈兵部負外郎考諱克 校書二十八應制策入三等拜左拾遺即日獻教本書 歲能屬文十五明經及第二十四調判入四等署秘省 数月間上封事六七憲宗召對言及時政執政者疑忌 帝十五代孫也公受天地粹靈生而岐然孩而疑然九 公五代祖弘隋北平太守髙祖義端魏州剌史曾祖近

Į

哲文阵

不得知飛龍使匿趙氏亡命奴為養子主不敢言浙右 家冤事名動三川三川人慕之其後多以公姓字名其 出公為河南尉丁陳留太夫人憂哀毀過禮杖不能起 飲定四庫全書 | 服除之明日授監察御史使于蜀按任敬仲微得情 其枢垂傳入郵郵更不敢詰內園司械繫人 而董之時有河南尉離局從軍職尹不能止監察使死 子朝廷病東諸侯不奉法東御史府不治事命公分臺 劾奏東川即違詔係過籍税又奏平塗山甫等八十 おいれる

宗嗣位舊聞公名以膳部負外即徴用既至轉祠部郎 據居四年後通州司馬又四年移 親州長史長慶初移 俗自公下筆一變至於雅三變至於典謨時謂得人 劾或移歲餘皆舉正之內外權寵臣無奈何咸不快意 不快者垂其便相噪嗷坐公專逞作威點為江陵士曹 帥封杖决安吉令至死子不敢愬凡此數十事或奏或 河南尹有不如法事公引故事奏而攝之甚急先是 鄉魚袋知制計制計王言也近代相公多失於巧 唐文粹

烫定日車全書 . 見

袋翰林學士丞古尋拜工部侍郎族守本官同中書門 嘉之數召與語知其有輔弱才推授中書舍人賜金魚 美財干萬以補亡户通祖其餘因弊制事 點上利下者甚多 泣戀如別慈父母遮道不可遏送記使道呵麾鞭有見 位兩罷之出為同州刺史始至急吏緩民省事節用歲收 以飛語構同位部下按驗無狀上知其經全大體與同 下平章事公既得位方将行已志答君知無何有儉人 二年改御史大夫浙東觀察使将去同同之者幼鰥獨

逋賦又明年命吏課七郡人冬築改塘春貯雨水夏 旱苗農人賴之無餓殍在越八載政成課高上知之就 加禮部尚書降璽書慰諭以示旌寵又以尚書左丞徴 罷自越抵京師郵夫獲息肩者萬計道路歌舞之明年 血者路闢而後得行先是明州歲進海物其淡蚶非禮)味尤速壞課其程日馳數百里公至越未下車趨 沃癢察貧富均勞逸以定税籍越人便之無流庸 ,部尚書鄂岳節度使在鄂三載其政如越 喜文件


街哀襄事裴夫人幸氏長女泊諸孤幼等號護屬婆以 勞封河東郡君生三女曰小迎未笄道衛道扶鮎齓 書郎韋約今夫人河東裴氏賢明知禮有輔佐君子之 六年七月十二日附葬於咸陽縣奉賢鄉洪瀆原從 子曰道護三歲仲兄司農少鄉積姪御史臺主簿某等 和五年七月二十二日遇暴疾一日薨于位春秋五十 人京兆韋氏懿淑有聞無禄早世生一女曰保子適校 一上聞之軫悼不視朝贈尚書右僕射加賻贈馬前夫 を六十八

傳之每一章一句出無脛而走疾於珠玉又觀其述作 悲公始以直躬律人勤而行之則坎填而不偶詢瘴鄉 致君堯舜致身伊皐耳抑天不與邪将人不幸邪予當 編纂之古豈止於文章刀筆哉實有心在於安人治國 宅兆公著文一百卷題為元氏長慶集又集古今刑政 中呼為元才子自六宫兩都八方至南蠻東夷國皆寫 之書三百卷名類集並行於代公凡為文無不臻極尤 工詩在翰林時務宗前後索詩數百篇命左右諷詠宫

たこり

唐文粹

與不逢時同得位與不得位同富貴與浮雲同何者時 嗚呼微之年過知命不謂之天位兼將相不謂之少然 泣濡翰直書銘于墓曰 行而道未行身遇而心不遇也執友居易獨知其心以 鯃而不安居相位僅三月席不暖而罷去通介進退卒 凡十年髮頒白而來歸次以權道濟世變而通之又齟 之澤止於惠一方不周於四海故公之心不足也逢時 不獲心是以法理之用止於舉一職不布於庶官仁義 厚丘



欽定四庫全書管要卷一萬九千八百九十二集部 第丁誌表述附總一十二首宗本卷六十九 宋 庶官七 銘皇甫混 權德與 唐吏部侍郎贈禮部尚書昌黎韓先生墓誌 唐吏部尚書諸道鹽鐵轉運使李公墓誌銘 唐文阵 姚 鉉 編

鉝 定 E 庫全 牧守四 唐太學博士施先生墓誌銘輯愈 柳子厚墓誌銘韓愈 唐太子校書李元眉墓誌銘韓愈 唐著作郎贈秘書少監權君墓表所 唐監察御史周公墓碣銘柳宗元 吕衡州誄柳宗元 唐工部貞外郎杜甫墓誌銘元稱 書 卷六十九

尚書贈尚書右僕射孝公墓誌銘并序 諸道鹽鐵轉運等使上柱國趙郡開國公前兵部 唇故銀青光禄大夫守吏部尚書兼御史大夫充 賢宰 陸歙州述 元魯山墓碣銘 李華 左黄州表附 李附 結 權德與

十欽 為華州祭軍武言超絕補鄠縣尉登朝為監察御史殿 崇里享年六十三天子憫然不視朝追命右僕射冬十 中侍御史由美原縣令課最為刑部負外即由萬年縣 趙郡賛皇人自祖知讓皇河南府長水縣主簿祖承尚 惟元和四年夏五月丁卯家宰趙郡公異寢疾薨于永 加至尚書右僕射世載德善至公昌大始以明經筮仕 月乙酉返葬于洛師緱氏縣芝田郷之大墓公字令叔 定四庫全書十八 州别駕贈太府少卿父義右武衛録事恭軍節終四

書間一歲轉吏部尚書想八柄平九賦左右理道以 元元天子方推心竦意倚以為相奄然大病斯可痛 支鹽鐵副使至止踰月代令司徒為使明年遷兵部尚 為給事中以御史中丞領潭州刺史湖南觀察使就加 公温重方嚴愷悌忠清得洪範之正直禀大雅 就加御史大夫由二府報政入為兵部侍郎在途如度 右散騎常侍以右散騎常侍領洪州刺史江西觀察便 令課最為户部左司二郎中由常州刺史理行第一 之)明哲

憂而邪鄉碩生勸學講藝蓮彼輕倶率循教化皆聲詩 使郡自為理得以蠲乏用補庸亡府無私馬四履之內 釣撫泉貨二千石不相即生如枯苓然公至分命部從 無尤違分畫之下無差失其為二方循班制建長利布 遇凶旱水溢損有餘以均不足農里無大之官司無宿 事覧觀禮俗問人疾苦庶吏善否而已至有經用之羨 强志特立為儒門吏師中臺草議左曹還諂法程之下 以休龢樹之風聲大凡都府歲杪使刻深吏周行支郡

欽

定四庫全書

卷六十九

飲大績經理大本豈止於漢庭桑大夫耿中丞區區然 之費不征於人楊天聲於井絡斷我首於齊谷是皆謀 地不加賦佐公家之急而利無所渫先是池澤之稅因 之成變其苦窳以寬物力盈入之數不可勝條上嗣位 縁為奸牢盆以私幣貨濡濫公則去一朝之便質終歲)歲發武庫禁兵以誅劉闢三蜀之饋不乏於軍千分 功利析秋毫而已哉其為天官已嬰寢患猶與郎吏 康莊其制國用也調盈虚御輕重阜齊人之業而 おとなる

寧宴聞之不若君子以為難自解中褐至捐館舍凡歷 多受賜馬內外掃除之際精與不亂與上言職業雖康 欽 精實循道體要而不為曼辭其街學博治折中定疑而 密静矩度章均大吏之所表的諸公之所嚴重其文采 官十六利刃觸虛大車以載文理聰明卓冠出倫規為 切劘奏書去繳統之科禁絕私回於胥吏士之得調者 有餘裕而無留事志在端正百度儀形四方以誤明弘 不理章句喜士尊賢開懷盍簪絲桐博奕談笑温懷每 定四庫全書 卷六十九

っ こ こ 〕 謹有馴嗣子繼京兆府恭軍飾躬彊學幻子紵編皆以 理命見託故不得讓馬銘曰 哲不幸凋落長子紹左衛兵曹恭軍鳳翔節度巡官專 子賓客幼平之女次京兆韋氏二夫人顏州刺史与洎 子失聲怛化豈虚也哉凡三合姓初曰范陽盧夫人太 濟為已任而續用未究斯吾君所以當宁流嘆而衆君 部負外郎襄之女以從祖妹而繼室馬皆以華腴淑 在任紹繼等泣次先公官簿事業請書墓石且以). 15 W 白文片 £.

į

慶社方天官家卿莊重廣清大君子方精金斷割良玉 長慶四年八月昌黎韓先生既以疾免吏部侍即書諭 特達視所履兮表率二邦鰥孤惠康斯樂只兮均齊 綠原厚地追琢款識神在此芳 政底慎徽令有經紀方宜登上台以賦羣才命遄已分 太行之東全趙古風鍾懿美芳左車武毅元禮文事叢 埞 匹 唐吏部侍郎贈禮部尚書昌黎韓先生墓誌銘并 库全書 卷六十九 皇甫湜

為書以傅聖人之道人始未信既發不掩聲震業光眾 茂六代孫祖朝散大夫桂州長史諱叡素父秘書即 尚書左僕射諱仲卿先生七歲好學言出成文及冠恣 方驚爆而萃排之垂危將顛不懈益張卒大信於天下 詳將揭之於神道碑云先生諱愈字退之後魏安桓王 繼計以至三月及酉葬河南河陽乃哭而叙銘其墓其 年十二月丙子遂薨明年正月其孤昶使奉功緒之録

浸曰死能令我躬所以不隨世磨滅者惟子以為獨其

如古涵令無有端涯渾渾瀾瀾不可窺校及其酣放豪 章妥句適精能之至入神出天嗚呼極其後人無以 陳治事廷議不隨為罪常惋佛老氏法潰聖人之限乃 仕歷官其為御史尚書郎中書舍人前後三貶皆以疏 之矣姬氏已來一人而已矣始先生以進士三十有 曲快字凌紙怪發鯨鲣春麗驚耀天下然而栗密窈 友作者跋邪魱異以扶孔氏存皇之極知與罪非我計 先生之作無圓無方至是歸工抉經之心執聖之權尚

飲定四

庫全書一人

起六十九

とこ) シ 萬望不敢前記擇庭臣往諭眾慄縮先生勇行元稹言 於上日韓愈可惜楊宗梅馳的無徑入先生日止君之 还行軍司馬宰相軍出潼關請先乗遽至汴感說都統 **通無功國涸將疑眾懼胸向先生以右庶子無御史中 師乗遂和卒擒元濟王庭湊及圍牛元翼於深救兵十** 呼古所謂非尚知之亦允蹈之者邪呉元濟反吏兵久 . . . T 語しい

為身配震怒天顔先生處之安然就疑八千里海上鳴

唱而築之及為刑部侍即遂章言憲宗迎佛骨非是任

完美游以訴笑嘯歌使皆醉義忘歸嗚呼可謂樂易君 **甞去書怠以為枕後以飴口講評孜孜以磨諸生恐不** 贈禮部尚書先生與人洞朗軒闢不施戟級族姐友舊 禁軍帖旱雞醫倖臣之銼再為吏部侍郎薨年五十七 不自立者必待我然後衣食嫁娶喪葬平居雖寢食未 為宜聚嗚呼先生真古所謂大臣者邪還拜京兆尹欽 元翼春秋美臧孫辰告雜于齊以為急病校其難易孰 仁死臣之義遂至賊管麾其衆責之賊惟汗伏地乃出 庫全書

左拾遺李漢舜集賢校理樊宗懿次女許嫁陳氏三女 環坐不時施昌極後昆噫嘻永歸奈知之悲 滂仁耿照充天有如先生而合亘年按我章書經紀大 此四方惟聖有文乖微歲干先生起之焯役于前礦義 維天有道在我先生萬頸胥延坐廟以行令望絕邪痌 未笄銘曰 子鉅人者矣夫人髙平郡君范陽盧氏孤前進士昶壻 唐工部員外郎杜南墓誌銘并序

語した

而七言之體具蘇子卿李少卿之徒尤工為五言雖句 堯舜之君臣以廣歌相和是後詩人繼作歷夏殷周干 叙曰余讀詩至杜子美而知古人之才有所抱萃馬始 餘無間馬騷人作而怨憤之態繁然猶去風 欽 比擬秦漢已還采詩之官既廢天下俗謠民謳歌 年仲尼 城曲度嬉戲之詞亦隨時間作至漢武帝城柏 定 四庫 全 紀緝拾選練取其干預教化之尤者三百篇其 書 おかれれ 稹 雅日近 出

所不取唐興學官大振歷世之文能者互出而又沈宋 精清為高盖吟寫性靈流連光景之文也意義格力無 教失根本士以簡慢矯飾相尚文章以風容色澤放曠 揚怨哀悲離之作尤極於古晉世風縣稍存宋齊之間 讀文律各異雅鄭之音而詞意闊遠指事言情自非有 取馬陵遅至以陳淫豔刻師他巧小碎之詞又宋齊之 氏父子鞍馬間為文往往横槊賦詩故其適文壯節抑 為而為則文不妄作建安之後天下之士遭罹兵戰曹 T

おとない

古今之體勢而兼昔人之所獨專矣如使仲尼考銀其 逮於晉魏工樂府則力屈於五言律切則骨格不存閒 **旨要尚不知貴其多乎哉茍以為能所不能無可無不** 奪蘇字氣吞曹劉掩煎謝之孤高雜徐便之流麗盡得 服川纖機莫備至于子美所謂上海風雅下該沈宋言! 之流研練精切穩順聲勢謂之為律詩由是而后文變)體極馬而又好古者遗近務華者去實效齊深則不 則詩人已來未有如子美者是時山東人李白亦以

月全主

卷六十九

奇文取稱時人謂之李杜余觀其壯浪縱恣擺去拘束 途次于荆楚雅知余爱言其大父之為文祈余為誌辭 摸寫物象及樂府歌詩誠亦差肩於子美至若鋪陳終 與予余當欲係析其文體別相附與來者為之準病 深屬對律切而脫棄凡近則李尚不能歷其藩翰况堂 不可絕余因系其官閥而銘其卒葬云系曰晉當楊侯 排比聲韻大或千言次猶數百詞氣豪邁而風調清 就爾適子美之孫嗣業啓子美之極襄初事於偃師 喜文阵

詩官至膳部員外郎審言生問問生甫関為奉天今甫字 **金定四庫全書** 杜氏下十世而生依藝今家於釋依藝生審言審言善 寫卒旅殯嶽陽享年若干夫人弘農楊氏女父曰司農 授率府曹屬京師亂步謁行在授左拾遺以直言失官 子美天寶中獻三大禮賦明皇竒之命宰相武文文善 少卿怡四十九年終嗣子曰宗武病不克葬沒命其子 出為華州司功尋還京兆功曹劒南節度使嚴武拔為 工部負外祭謀軍事旋又棄其官扁舟下荆楚問竟以 巻六十九

飲定四車全書 賢臣放退公為御史抗言以白其事得死于墀下史臣 有唐貞臣汝南周氏諱某字某以諫死葬于某貞元十 首陽之山前嗚呼千歲而下曰此文先生之古墳 惟元和之癸已粤某月某日之佳辰合定我杜子美於 後餘四十年然後卒先人之志亦及為難矣銘曰 二年柳宗元立碣于墓左在天寶年有以諂諛至相 唐監察御史問公墓碣銘并序 唐文粹 柳宗元

嗣業嗣業以家質無以給喪收拾乞丏焦勞晝夜去子美沒

忠為美道是履諫而死佞者止史之志石以紀為臣軌 者之所悼也故為之銘曰 **衆矣若公之死志匡邦國氣震姦倭動獲其所盖得其** 書之公之死而佞者好畏公議於戲古之不得其死者 得猛士而存不及興王之用没不遭聖人之數誠立志 則孔子不曰未見剛者出於秦楚之後則漢祖不曰安 猫能奮百代之上以為世範者也若令生於定哀之間 死者 歟公之德之才治於傳聞卒以不武而獨申其節

詩通春秋左氏傳善講說朝之賢士大夫從而執經考 察郭伉買石誌其墓昌黎韓愈為之詞曰先生明毛鄭 下恐不卒得聞先生死二經生喪其師仕於學者亡其 子貴游之子弟時先生之說二經來太學怕怕坐諸 疑者繼于門太學生習毛鄭詩春秋左氏傳者皆其弟 貞元十八年十月十一日太學博士施先生士再卒其 唐太學博士施先生墓誌銘 語とい 愈

疏乞留或留或遷祖曰旭表州宜春尉父曰始濠州定 相 **丞妻曰太原王氏先先生卒子曰友直明** 事孔子以彰讎為博士延為太尉太尉之 曰然曰績亦載其跡先生之興公車是召纂序前聞 曰友諒太廟齊郎系曰先生之祖氏自施父其後 助教為博士由博士為太學秩滿當去諸生 **弔歸衣服貨財先生年六十九在太學十九** 白賢士大夫老師宿儒新進小生聞先生之死哭 州 鄒縣

欽

定

四

庫全

六十九

世為著姓祖某咸有令德君既冠進士及第武臨清尉 嗣為宗縣曰萬年原曰神禾高四尺者先生墓邪 持節無本道使藉君表為剷縣尉充判官無何主將以 先生講論如客得歸甲讓肫肫出言孔楊令其死矣誰 于光有耀古聖人言其旨密微箋注紛羅顛倒是非聞 2姓權氏諱臯字士繇天水人符春尚書僕射翼之 唐著作郎贈秘書少監權居墓表 吾之降

上欽 逆節露君乃詐死扶親涉江免禍累知幾其神先帝聞 憂劳因中痼疾無何太夫人終君泣血三年厥疾用 於丹徒因殯馬享齡四十嗚呼識者慟哭間者痛心君 服除遷起居舍人著作即大歷元年四月某日不幸逝 而數之除評事御史方議大用屬太夫人病危君侍奏 華方疾不能備舉然所憶者曰河南元君德秀元終 天與之仁不與之年哀哉自開元天寶已來高名下位 有大節不可奪大名不可掩大才不可及大行不可名| 定四庫全書

能斷者宜歌齊權君可謂温良而能斷者也故為齊風 華自疾病風曳杖而往哭之常聞師乙之言曰温良而 禮過成人嗚呼有後哉朝廷贈君以秘書少監悼賢也 宰輔王評君曰可以為師保華評君曰分天下之善惡 德張之行如其經術君之才如其聲望人倫其疾素母 昌黎韓幼深京兆王鎮卿泊華友善韓評君日可以為 年而南陽張君有略張殁二年而君夭元之志如其道 人而已矣夫人雕西李氏仁賢有一子某生七年京 見っしょ 5

善者何君不幸邪時不幸邪 表君之差云 葬之于國東門之外七里郷曰某郷原曰某原友人昌 士三年登上第又舉博學宏詞得太子校書又一年年 忠於而國孝於而家絜而不滓瑜而不瑕仁胡不壽為 李觀元賔其先隴西人始來自江之東年二十四舉進 定四庫全書 一十九客死於京師既飲之三日其友人博陵在弘 唐太子校書李元賔墓誌銘 卷六十九 愈

祖諱奭為唐宰相與褚遂良韓暖俱得罪武后死高宗 子厚諱宗元七世祖慶為拓跋魏侍中封濟陰侯曾伯 黎韓愈書石以誌之其辭 曰 文高乎當世行過乎古人竟何為哉竟何為哉 惡生而不淑孰為其壽死而不朽孰為其天已乎元賔 巴乎元賔壽也者吾不知其所慕天也者吾不知其所 唐嶺南道柳州刺史柳子厚墓誌銘并序 語と卒 <u>}</u> 愈

議論證據今古出入經史百子踔厲風發率常屈其座 時皇考諱鎮以事母棄太常博士求為縣令江南其後 門下交口薦譽之貞元十九年拜監察御史王叔文章 氏有子矣其後以博學宏詞授集賢殿正字儁傑廉悍 剛直所與游皆當世名人子厚少精敏無不通達速其父 人名群大振一時皆慕與之交諸公要人争欲令出我 **>雖少年已自成人能取進士第嶄然見頭角衆謂柳** 不能媚權貴失御史權貴人死乃復拜侍御史號為 巻六十九

書其傭直相當則使歸其質觀察使下其法於他州 之間元和中當例召至京師又偕出為刺史而子厚得 為奴婢子厚與設方計悉令贖歸其尤貧力不能者 記覽為詞章汎濫渟蓄為深博無涯疾而自肆於山水 執誼用事拜尚書禮部負外郎且将大用遇叔文等敗 例出為刺史未至又例貶永州司馬居閒益自刻苦務 人順賴其俗以男女質錢約不時贖子本相侔則沒 既至數曰是豈不足為政邪因其土俗為設教禁 与し六

義令夫平居里巷相慕悦酒食游戲相追逐詡詢强笑 中當詣播州子厚泣曰播州非人所居而夢得親在堂 理請於朝將拜疏願以柳易播雖重得罪死不恨遇有 其召至京師而復為刺史也中山劉夢得禹錫亦在譴 以夢得事白上者夢得於是改連州嗚呼士窮乃見節 吾不忍夢得之窮無辭以白其大人且萬無母子俱往 為師其經承子厚口講指畫為文詞者悉有法度可觀 歲免而歸者且千人衡湘以南為進士者皆以子厚

欽

定四庫全書

貴重顧籍謂功業可立就故坐廢退既退又無相知有 於時也使子厚在臺省時自持其身已能如司馬刺史時 氣力得位者推挽故卒死於窮裔村不為世用道不行 也此宜禽獸夷狄所不忍為而其人自視以為得計聞 子厚之風亦可少愧矣子厚前時少年勇於為人不自 語以相取下握手出肺肝相示指天日涕泣誓生死不 不相識落陷穽不一引手救反擠之又下石馬者皆是 相背負真若可信一旦臨小利害僅如毛髮比反眼若

A VID TO TO THE MAN

店文牌

觀察使河東裴君行立行立有節縣重然諸與子厚結 時以彼易此孰得孰失必有能辨之者子厚以元和十 亦自不斤斤時有人力解舉之且必復用不窮然子厚 力傳於後如今無疑也雖使子厚得所願為將相 斥不久窮不極雖有出於人其文學辭章必不能自以 周七子厚卒乃生女子二人皆幼其得歸葬也費皆出 年先人墓側子厚有子男二人長曰周六始四歲季曰 四年十月五日卒年四十七以十五年秋七月歸葬萬

巻六十九

飲定四庫全書 人 月二十四日黨葬于江陵之野嗚呼君有智勇孝仁惟 維唐元和六年八月日衡別刺史東平吕君卒爰用十 是惟子厚之室既固既安以利其嗣人 家逮其死不去既往葬子厚又將紀其家庶幾有終始 **弟爧遵遵涿人性謹順學問不厭自子厚之斥遵從而** 交子厚亦為之盡竟賴其力葬子厚於萬年之墓者舅 銘曰 吕衡州誄 唐文粹 柳宗元

志與能不施于生人知之者又不過十人世徒讀君之 者喻月湖南人重社飲酒是月上戊不飲酒去樂會哭 無由知馬君由道州以陟為衡州君之卒二州之人哭 其能可用康天下惟其志可用經百世不克而死世亦 文章宜瑞於百世令其存者非君之極言也獨其辭 文章歌君之理行不知二者之於君之末也嗚呼君 舩之上下必呱呱然盖當間於古而覩於令也君之 所而歸余居永州在二州中間其哀聲交于南

档書詩忠貞繼佩智勇承基跨騰商周堯舜是師道不 勝禍天固余欺鬼神齊怒妖蟹咸疑何付之徳而奪 麟死魯郊其靈不施濯濯夫子胡絜其儀冠仁服義干 為第三品宜得諡于太常余懼州吏之逸其辭也私為 之誄以志其行其辭曰 君之理行宜及於天下今其聞者非君之盡力也獨見 飲定四庫全書 迹耳萬不試而一出馬猶為當世所重若使幸得出其 一三則巍然為偉人與世無窮其可涯也君所居官 海文料

其智戎侮厥禍敖邊求侍咸選邦良難乎始使君登御 資仕乃揚進于禮司奮藻含章決科縣中体問用張署 其道卓然孔直聖人有心由我而得敷施變化動無不 書是式至于化光爰耀其特春秋之元儒者咸惑君逹 惟師元聖周以降德世征五侯伊祖之則嗣濟厥武前 時嗚呼哀哉命姓惟吕勤唐以刀輔寧萬邦受胙爾國 推理唯公舒文以異宣于事業與古同極道不茍用 百氏錯綜愈光超都諫列屢早其囊帝殊爾能人服

嘉恩疎若暱惕邇如遐實閉其閣而撫于家載其愉樂 **蠶外邑我繭盈車雜耕鄰邦我杰之華既字其畜亦執** 司刑邦憲為貳斜巡伊肅邪諛具畏遷理道民民服休 中以舞歌賦無吏迫威不刑加浩然順風從令無謹絲 制用經邦時推重器諸臣之復周官匪易漢課賤奏鮮 其麻藝鼓斯屏人喜則多始富中教興良廢邪考績既 云能備君自他曹載出於技筆削自任產儒革議正即 史替命承事風動海場皇威以致來總征賦甲茲即吏 唐文粹 主

富人或脈之栗今我厚生不竭而足邦思其弼人戴唯 成王用興嗟陟于嶽濱言進其律號呼南竭語話北溢 父善胡召災仁胡雅各俾民伊怙而君不壽矯矯貪陵 贏乃逸唯告舉善盗奔于鄰今我興仁化為齊人唯昔 欺吏悍民先聲如失逋租匿役歸誠自出無奸既息罷 賙賔客恒是懸磬逮兹易賃僮無凶服葬非舊陌嗚呼 乃康乃茂嗚呼哀哉廪不餘食藏無積帛內厚族姻 哀哉君昔與余講德討儒時中之與希聖為徒志存致 定四庫全書 卷六十九

乾元巳亥賛善大夫左振出為黃州剌史下車黃人 羣 更尚擁良圖故友咨懷累行陳謨是旌是告水永不 言罔敷王佐之器窮以郡符秩在三品宜諡王都諸生 齒舌數數雷動風驅良辰不偶卒與禍俱直道莫試嘉 渝嗚呼哀哉 飲定四庫全書一个 曰我欲逃鄉里我欲去墳墓左公今既來誰忍棄之去 | 詠唐虞揭茲日月以耀羣愚疑生所怪怒起特殊 左黄州表 語は降し

於戲天下兵興今七年矣淮河之北千里荒草自關已 左公者誰曰不可頌乎三拜遷侍御史判金州刺史 問州縣惟其意公念而殺之則彼可誅戮豈獨巫女知 時者日見斯人黄之巫女亦以妖妄得紫恩澤朝廷不 思巫惑人人不知天子正尊信左公能殺之於戲近年 忍不去者誰曰不可領乎後一歲黃人又歌曰吾鄉有 東海濵之南屯兵百萬不勝征稅宣獨黃人能使其人 已來以陰陽變怪將甩神之道罔上感下得尊重於當

州卒于道貞元十八年四月二十日也凡人之所不能 以化人厚風俗者餘三十年連事觀察使不能知退居 吳郡陸像字公佐生于世五十七年 明于仁義之道可 去黄人多去思故為黄人作表如左氏世系左公歴官 窮者必推之于天天之注膏雨也人之心以為生旱苗 于田者六七年由侍御史入為祠部員外二年出刺敏 及黃之門生故吏與巫女事則南陽左公悉記之 陸歙州述 李 Ė 鼼

賴顏子子思孟軻董仲舒之類也故賢哲之生自有時 膏雨降雖終日賢哲生雖比肩早苗之不救百姓之弗 其澤惟人也亦然天之生俊賢也人之心以為拯顓顇 然也雨與苗運相違或雨于海或雨于山旱苗不得仰 然唯賢者之生于時也亦然運相合旱苗仰其澤頗頓 之人然也賢者與煩頓之人時不合或死于野或得其 之人賴其力傳說甘盤尹吉南管夷吾之類也時弗合 位而道不能行顦顇之人不得被其惠膏雨之降也適 欽 定四庫全書 老されれ

位以行其道者命也其亦不足于心者邪得是道者窮 海或降于山旱苗之不沐其澤者均也故君之不得其 之以救人之道不授之以救人之位如膏雨之或雨于 聞于天子公佐是以不得其職出剌一州又短命道病 雖列于朝雖刺于州其出入始二年道之不行與居于 百姓之賴其力天下不賴其力亦天也嗚呼公佐之官 た 己 日 臣 a s a s | | | | | 而死天下之人未蒙其德固宜然也則天之生君也 田時弗差也公佐之賢雖日聞其德行亦未必昭 百丈於 重 昭

居于野非所屈冠冕而相天下非所伸其何有不足于 内有篇简巾褐枕履琴杖單瓢而已堂下有接賔之位 維唐天寶十二載九月二十七日魯山令河南元公終 孤甥受學之室過是而往無以送終名高之士陸渾尉 于陸渾草堂春秋五十九服名節者無不痛心嗚呼堂 心者邪 ,園喬潭縣以清白之俸遂其喪葬以明月十二日窆 元魯山墓碣銘并序

落慈親贏老無小無大仰餡於公及應府貢如京師 之易簡黃老之清淨惟公備馬延州即世之後昆弟凋 徳長為律度神體和氣貌融視色知教不言而信大易 忍離親躬負安與往復千里以才行第一進士登科 艱聲 動於心既過直急剌血盡佛像寫經以不貲之身 于所居南岡禮也公諱德秀字紫芝延州使君之子後 七葉易為元公其裔也世有明哲承而述之幼捉全 問極之報食無鹽酪居無爪前者三年先人未科于 おとは יידט

獸贖罪公哀而許馬僚佐堅請公無變慮乃從破械縱 濱山之鄉稱猛獸為害盗請於庭曰感明府慈仁願殺 正之憂愀然滿容以甥姪婚仕為念受署魯山今以痼 尉點陟使以至行上闡授左龍武軍録事因墜傷足樂 北身迫當室緘未忘之哀恭調求仕銓試超等補南 之盗果屍獸復命吏人老幼咨嗟震動發於庭宇播 疾不能超拜故後長吏儉以客禮待之常獲盗未刑屬 鄰則政化之行可知也公自切居貧累服齊斬故不 定四庫全書一人 卷六十九

欽


祭衣食孤遺代下之日柴車而返南遊陸渾考一弘之 耀故也是宜為國老更論道佐世而羔馬不至殁於空 宅發八筒之直唯匹帛馬居無為鑰牆潘之禁達生齊 清塵而棲颢氣中古以降公無比馬知我或希晦而不 物從其所好時屬飲歲涉旬無煙彈琴讀書不改其樂 好事者攜酒食以饋之陷陷然脫遺身世涵泳道德拔 曰兄有息男不曠先人之祀矣歷官俸禄悉以經管葬 及親在而娶既孤之後單獨終身人或以絕後諭馬對

大色日 臣 白 生

唐文粹

斯文之作由此志也其銘曰 真至哉元公越軼古今沖邃冥冥純朗朴渾範於生靈 者也又其惡萬金之藏鄙十卿之禄貴富之辨吾得其 則現題窮於性命則蹇士賦可謂與古同轍自為名家 思善人則禮水多能而深則廣吳公子觀樂曠達而妙 山可勝働那所著文章根玄極則道演寄情性則女于 功厥義有三上以簡神明中以鋪光烈下以聳示後人 凡與門人吟慕遺風諡曰文行先生從古也夫誄徳銘 眉

息訟伸載襲先猷竭盡報親貞玉白華不緇不磷縱翰 因懷哉水思泣涕銘云 祥風蜕跡泥塵今則已矣及吾無身仰徳如在瞻賢靡 天地元醇降為仁人隱耀韜精凝和葆神道心玄微消 らした





録監生 臣 臣 臣

張

能

汪 塇

劉

欽定四庫全書管要集部





欽定四庫全書管要卷一萬九千八百九十三集部 銘戊版文話表附抱七首 賢母 | 粹卷七十 陶母墳版文舒 唐河南元府君夫人墓誌銘白居易 唐息國夫人墓誌銘韓愈 元輿 鉉 編

勞詔曰樂妻何氏可封息國夫人元和二年李公入為 貞元十五年靈州節度使御史大夫李公諱樂守邊 欽定四庫全書 ~ **唐息國夫人墓誌銘并序** 隱居四 **德先生詠齊華** 居士陳公墓誌銘 武東山陳居士墓銘陳子昂 廣陵陳先生墓表所 超七十 温 愈

曾祖某綏州刺史祖某潞州别駕父某晉州録事悉軍 甲子日南至以病卒明年八月庚寅葬河南河陽夫人 尊間無不順適命服在躬承祀孔時年若干元和七年 覺有纖毫薄厚御僮僕使治居第生産皆有條序居早 子嫁興元祭軍鄭博古將葬戡與成以其事乞銘於其 氏出者二男一女夫人教養嫁娶如 户部尚書薨夫人遂專家政公之男三人女二人而 二男戡左威衛倉曹祭軍成左清道率府録事祭軍女 与と文 一雖門內親戚不

備服以轉時熟婉婉夫人有籍宮門克承其後以嫁以 大而貴夫人是專嚴聲惟懿昔在貞元有錫自天啓封 男主外事治不為易施于其家難甚吏治又沉公侯族 鄰韓愈愈乃為銘曰 婚随葬東土在河之陽遥望公墳而不同藏 有唐元和元年九月十六日故中散大夫尚書比部郎 唇河南元府君夫人柴陽鄭氏墓誌銘并序 老され 白居易

鉱

定四庫全書

年縣尉次曰積同州韓城縣尉次曰稹河南府河南縣 有四子二女長曰沂蔡州汝陽縣尉次曰柜京兆府萬 十五日權祔于咸陽縣奉賢鄉洪瀆原從先姑之堂 女也其出范陽盧氏外祖諱平子京兆府涇陽令夫 氏年六十寢疾殁于萬年縣靖安里私第越明年二月 中舒王府長史河南元府君諱寬夫人崇陽縣太君鄭 人自祖諱遠思官至鄭州刺史贈太常卿王父諱購 散大夫易州司馬父諱濟睦州刺史夫人即睦州次

聞友兄姊睦弟妹以悌聞發自生知不由師訓其淑 縣太君從子貴也天下有五甲姓滎陽鄭氏居其一 叙者但書夫人之事而已初夫人為女時事父母 府君世禄官政文行有故京兆尹鄭雲達之誌在今所 之熟德官爵有國史在鄭之源派婚媾有家牒在比 封榮陽縣君從夫貴也旗之為拾遺也夫人進封榮陽 尉長女適吳郡陸翰翰為監察御史次女為比丘尼名 定四庫全書 二女不幸皆先夫人殁府君之為比部也夫人始 卷七十 鄭

欽

中禮其明達有如此者夫人為母時府君既殁積與稹 五年問二子皆以通經入仕稹既第判入等授祕書省 方豳齓家貧無師以授業夫人親執詩書誨而不倦四 吉凶之禮有疑議者皆質於夫人夫人從而酌之靡 敬有如此者元氏鄭氏皆大族好合而姻表滋多凡中外 躬親之雖隆暑冱寒之時而服勤親饋面無怠色其誠 為治燕之訓夫人每及時祭則終夜不寐煎和滌濯必 有如此者夫人為婦時元氏世食貧然以豐絜家祀傳 語し六十

歃 皆始自孤弱者次及康賤者由是衣無常主厨無異膳 殁婦道不衰內外六姻仰為 儀範非夫人怕怕孜孜善 校書即屬今天子始踐祚策三科以拔天下賢俊中第 此者既而諸子雖迭仕禄利甚薄每至月給食時給衣 誘所至則曷能使子達於邦女宜其家哉其教誨有 氏陸氏有舅姑姻族於是以順奉上以惠逮下二紀 月讀言直聲動于朝廷以是出為河南尉長女既適陸 者凡十八人而稹冠其首馬由校書郎拜左拾遺不數 定 四 庫 全書 卷七十

氣誠諸子諸孫諸子諸孫其心愧恥若捷于市由是納 訓諸女諸婦諸女諸婦其心戰兢如履于冰常以正詞 親者悦疏者來故傭保乳母之類有凍餒垂白不忍去 說包日車全書 不識槓楚閨門之内熙熙然如太古時人也其慈訓 下於少過致家於大和婢僕終歲不聞念争童孺成 元氏之門者而況臧獲革乎其仁愛有如此者自夫人 母其家殆二十五年專用訓誡除去鞭扑常以正顏色 (此者噫昔漆室緹蒙之徒烈女也及為婦則無聞 唐丈粹 <u>£</u>

宗梁鴻之妻哲婦也及為母則無聞文伯孟氏之親賢 植為執友故聆夫人美最熟植泣血孺慕哀動他人 聖善化一家於仁厚者哉居易不佞辱與夫人之幻子 此母儀又如此三者具美可以冠古今矣嗚呼惟夫 母也為女為婦時亦無聞今夫人女美如此婦德又如 國馬則關雎鵲巢之化斯不遠矣若推而廣之可以肥 天下馬則姜嫄文母之風斯不遠矣豈止於訓四子以)道移於他則何用而不臧子若引而伸之可以肥 卷七

常母之道恩勝威威不勝而常子之性偏以驕出由此 觸命紙教磨去法用者相半古孟氏母誓戒若此乃之 也偏氣襲正正氣敗績故往往思過驗過而閨門間 元和歲丁亥春咸陽道渭水濵云誰之墓鄭氏夫人 '之墓使悍妻和嚣母慈不遜之女順云爾銘曰 ,豈直若是而已哉亦欲百代之下聞夫人之風 親去 撰述書于墓石斯古孝子顯父母之志也嗚呼斯 陶母墳版文并序 吾文片 舒元興

侃侃還至於道慈容嚴嚴離立相望中央寂寥布吾或 敵非父子邪且母之教偏在慈夫以兼教猶有您者之 勝偏失者或骨髓間有泰吳之謬故州吁石厚變為賊 教子大倫不逃義方然父之教主於無之言恩威不偏 步許有高墳嵯峨墳前有碑書跡照湖小子蹶起疾眩 視之則陶母之字存及落帆上陸修式恪禮以為父母 、無教軻三變而至於道去千年而陶之母亦以無教 大歲在卯予帆彭鑫見謝靈運詩石壁壁東南行百

鉱

定

庫

成之中而能歐其子歸其有極是以陷家肥而晉家亦 孟為鄰後千萬年卜誰為鄰西江悠悠東潮滔滔彭蠡 彭蠡之濵峨峨高墳有晉陶君哲太夫人前瞻千年卜 書豈斯意邪徘徊聳慕龍成斯文詞曰 乎嗚呼賢母之風可以卓往赫來為千萬年光墳版不 謬以偏教而無嚮者之謬或鮮矣英英哲母煦然化成 肥鴻聲芬馥撲染他類肯使專司晨索家之疵到吾聽

欽 君諱嗣字弘嗣其先陳國人也漢末淪喪八代祖自汝 浩南武東山與唐胡白趙五姓置立新城郡部制二 南仕蜀為尚書令其後蜀為晉所滅子孫避晉不仕居 尋加本州別獨弟太樂太蒙蒙為黎州長史護督南 而四姓宗之世為郡長蕭齊之末有太平者兄弟三人 定四庫全書 郡豪傑梁武帝受禪網羅英豪拜太平為新城郡守 梓州射洪縣武東山陳居士之墓銘并序 卷七十十 陳子昻

信汎愛眾而親仁無餘力也以是不優於道建親終殁 逈早卒君即逈之第二子也少孤而有純德恭已飾行 烈祖湯仕為郡主簿遇梁李喪亂避世不仕生皇考泊 た こ) 不避寒蒸蒸服事行年四十有五入則孝出則悌謹而 方慶好道不樂為仕得墨子五行祕書隱于武東山生 一郡太守太樂為本州司馬即君之髙祖父也生曾祖 日三省家世本以清白崇德追君之孤素業空美君 一兄養母以孝君克順至行同勤苦節夏不避暑冬 唐史毕

君當乘角與省農時饋田畯刑以肅墮悦以勞勤若孫 陵淵數星歲雲物靡不用心原田苦苦恭稷漢漢汶陽 累千金以自奉田稼動者載酒從之鄉里承化以相懲 道山壑高居農野永歲雅聞漢有王丹者放居不仕家 之稼如雲兵春也載華歲聿其秋白露時降百穀收熟 沮乃數曰彼王丹者是為政也奚其為為政也由是始 考林澤闢良田習仙書務農政天道時變地道化成丘 春秋已高從事不可以養矣乃輟干禄之學修養生之 灾 匹 庫 をとして

由徑非公事未當至於州縣也昔襄陽有龐德公谷口 情林園遺老玄默忘歲遂保先君武東山之故居行不 崇禮節恤學寡賑窮乏九族以親之鄉黨以歡之居十 吳之用兵勢鳥之搏擊也倬彼南田歲取十千倉原實 恥將欲效君子之素業也君時年已耳順素無經世之 吾何從之也遂頓浮窳之節肅恭儉之規修孝悌師廉 餘年家累千金矣其鄰里有翰衣食帶刀劔椎埋肚篋 '類關雞走狗之豪莫不靡下風馴素節曰里有仁馬

唐文毕

微數其近貴利邪夫上無憂悔下無飢寒合道以制皆 之遼絕如胡越哉然則兩襲不免於關焚三老不免於 **美於戲古者至人不利苟得不務近貴量腹而食度身** 見不可得而羈憂患不可得而累迨于我君作者五人 數綿綿羅網冥冥高鴻耀耀竹竿穆穆幽龍其與禍敗 而衣非其道萬鍾不足豐也非其紫五縣不足能也躬 鄭子真東海王霸西山蜀才皆避人養德退耕求志軒 耕稼植其杖而耘不答子路之問者其豈我君之徒

某月某朔日玄月載踰卜兆時吉始啓獨昭告奉遷於 封不樹後代聖人易之以棺椁吾不違聖人具棺椁而 於予足我聞古人言珠玉而產之暴骸於中原古者不 **戀達命以順生死仁以愛身智以養德俾爾耆而艾俾** 子某等皆能祗奉遺訓律從先志長壽二年龍集癸巳 爾昌而熾君子保之以永壽考非我君乎享年八十有 已剱以常服墳無丘壠吾將庶幾以奉先人清業也有 五太歲壬辰五月十三日考終厥命臨終誠曰於予手 きと卒

慕悲純德之不見咸曰君子殁矣人何以名陵壑不朽 售些武東山之陽禮也鄉里會葬者干餘人皆涕泣號 子植杖而耘弋者何慕鴻冥高雲楚狂懼世夷叔求仁 忘我晉紳茫茫田數歲也其春農人肅事君子搞勤孰為夫 肅肅我祖國始於陳中裔淪喪泊此江濱山川隆鬱鼎氣 氛 氫挺生君子於樂元真惟孝 肅悌惟仁善鄰樂我耕家 匪惟頌聲小子不敏請述鄉人之教其詞曰 良時終矣不考于身我異於是非隱非淪撫化隨運安 定四庫全書

書白虎七變隱於郡武東山生曾祖湯湯為郡主簿湯 為新城郡司馬生高祖方慶方慶好道得墨子五行秘 孫騎奢自各天道無親思我松柏恭儉是遵 生祖通通早卒生皇考辯為郡豪傑公河目海口欽頤 公諱元敬字某其先陳國人也五世祖太樂梁大同中 三寸宣我宴貨自古有死吾從聖人差兩百代子子孫 排屈伸天年既沒長夜何辰聖達不免宇宙同塵桐 我府君有周居士文林郎陳公墓誌銘并序

飲定日車 全書 ·

唐文粹

青龍癸未唐歷之微公乃山棲絕穀放息人事餌雲母 信公之言四方豪俊望風景附朝廷聞名或以為西南 虎顏性英雄而志尚玄點羣書秘學無所不覽年弱冠 以怡其神居十八年玄圖大象無所不達當宴坐謂其 大豪不知深慈恭懿敬譲以得也州將縣長時或為議 經雅第拜文林郎屬憂艱不仕潛道育德穆其清風那 早為州問所服者長童幼見之若大賔二十二鄉貢明 馴致如眾鳥之從鳳也時有決訟不取州郡之命而

老七十

意其将周復乎於戲吾老矣汝其志之太歲已亥享年 伊尹合五百年文王與太公合天下順之四百年幽屬 者百無一馬嗚呼昔堯與舜合禹得之四百餘年湯與 年天紀復亂胡夷奔突賢聖淪亡至於今四百年矣天 自昌彌四百餘年戰國如縻至於赤龍赤龍之興四百 版為天紀亂賢聖不相逢也老明仲足淪溺溷世不能 可以智力圖也氣同萬里而合不同造膝而悖古之合 吾之卒

嗣子子昂曰吾幽觀大運賢聖生有萌芽時發乃茂

聖賢同芳南山四君遭漢天子固亦商丘之遗壤方 質不試孰知其深廣方悠悠白雲自怡養方大運不齊 賢者避地邈其往芳鳳方鳳方誰能象芳嗚呼我君懷 鞠然在或不知所從乃祗馴聖人卜宅之義是歲十月 七十有四七月七日已未隱化于私宫孤子子昂愚昧 已酉遂開拭舊壁奉寧神於此山石仙谷之中岡也銘 德先生誄并序

むとけ

アミョ 自二二 事文字 蔡忠如長弘謀尊王室而戮死君子道消故仁賢窮維 鱗差耕雍也或曰何咎而瞽余曰聖賢皆時春秋之亂 聖人疆吟之際維之得聖人衣冠之潤向使獲親聖人則 賢或恒人方於賢原思您不齊比也或曰大哉余曰七 其字也或曰與古誰倫可造七十子乎余曰七十子或 或問曰德先生者奚氏余曰南陽張姓有略其名維之 冉耕惡疾左丘明卜商皆瞽聖如夫子失司寇飢於陳 十子親聖人之道者也維之追聖人之道者七十子得

十有二遊不出鄉考終厥命嗚呼至哉良玉雖白不受 采體泉自甘非有和貞色鎮密丹青無自入也靈味天 以病為食不喪中明者也或曰夫如是得無謀之余誄 有唐貞晦先生廣陵郡棠邑郷陳君曰融無字享年 之鄰道昌黎韓拯亦以德聞與維之同病不幸二子不 胡病後之人而奪先生噫嘻哀夫人德南余將曝兄 廣陵陳先生墓表 吕 温


をとす

熙熙天性人道其盡于茲何必讀書然後為學知命 成翅襞無所資也故先生長而不學大樸不適乎翰 伶倫莫能器也故先生老而不仕地虚而踐則有跡器 至音不語乎宫商曲直渾成巧匠莫能材也清濁 "怡神為榮樂天忘憂自寵不驚貴我以道此非禄乎 致毀事亡如存朋友孜孜兄弟怡怡於鄉恂恂 不可得而闻也故先生没而不稱若夫為養克孝居 扣則成聲我踐惟實跡不可得而見也我扣惟密 與

時と許

5

豈必盡仁其必有賢者生於是矣遂停車累日周訪故 飲定四庫全書 | 予貞元初寫居是邑言歸京國道出其鄉始見一鄉之 學之道據不仕之貴負不稱之名達人觀馬斯亦極美 神蓋幽亦既聞矣何必俗聲然後為名大哉先生行不 何必入官然後為仕我有信順自天蓋高亦既知矣謂 之聲不見傲慢之容雍雍楊楊甚及異也因揣之而歎 曰芳蘭所生其草皆香美玉所積其山有光此鄉之人 人父義子孝長惠幼敬見乎詞氣發乎顔色不聞忽争



	一道
	(32)
	1
, , , ,	反
農 	175
<u> </u>	
又	一月
班	10
唐文粹卷七十	定匹庫全書 1
 	11
R	1.
セー ー ー ー ー	
<u></u>	
	ı
	- 1
	-
	卷七十
	坯"
	×
	1
	- 1
	1
	- 1
	1
	- 1
	- 1
	- 1
1 1 1 1 1 1 1 1 1 1 1 1 1 1 1 1 1 1 1	.
	1